



ЭРЧИМ ХҮЧНИЙ ЗОХИЦУУЛАХ ХОРООНЫ ТОГТООЛ

2017 оны 03 сарын 03 өдөр

Дугаар 61

Улаанбаатар хот

Г Журам шинэчлэн батлах тухай Г

Эрчим хүчний тухай хуулийн 9 дүгээр зүйлийн 9.1.4, 9.2 дах заалтыг тус тус үндэслэн, цахилгаан түгээх, цахилгаанаар зохицуулалттай хангах тусгай зөвшөөрөл эзэмшигч компаниудаас ирүүлсэн хүсэлтийг хэлэлцээд Эрчим хүчний зохицуулах хорооноос ТОГТООХ нь:

1. “Нийгмийн халамжийн дэмжлэг, туслалцаа зайлшгүй шаардлагатай хэрэглэгчдэд цахилгааны тарифыг мөрдөх журам”-ыг хавсралтын ёсоор баталсугай.

2. Батлагдсан журмыг мөрдөж ажиллахыг цахилгаан түгээх, цахилгаанаар зохицуулалттай хангах тусгай зөвшөөрөл эзэмшигч компаниудын гүйцэтгэх захирлуудад үүрэг болгосугай.

3. Энэхүү тогтоолын биелэлтэд хяналт тавьж ажиллахыг Ажлын алба /Г.Эрхэмбаяр/-нд даалгасугай.

4. Энэ тогтоол батлагдсантай холбогдуулан Эрчим хүчний зохицуулах газрын /хуучин нэрээр/ Зохицуулагчдын зөвлөлийн “Тариф батлах тухай” 2008 оны 11 дүгээр сарын 11-ний өдрийн 176 дугаар, “Тариф батлах тухай” 2008 оны 12 дугаар сарын 17-ны өдрийн 179 дүгээр тогтоолыг тус тус хүчингүй болгосугай.

ДАРГА

ЗОХИЦУУЛАГЧ

ЗОХИЦУУЛАГЧ



А.ТЛЕЙХАН

Д.БАССАЙХАН

Бүртгэлийн дугаар 482
Э.ТҮВШИНЧУЛУУН
ЗОХИЦУУЛАХ ХОРОО
ХУУЛБАР ҮНЭН

Хуулбар олгосон ажилтан
Л.Оюун-Эрдэнэ

2017 оны 03 сарын 06



НИЙГМИЙН ХАЛАМЖИЙН ДЭМЖЛЭГ, ТУСЛАЛЦАА ЗАЙЛШГҮЙ ШААРДЛАГАТАЙ ХЭРЭГЛЭГЧДЭД ЦАХИЛГААНЫ ТАРИФЫГ МӨРДӨХ ЖУРАМ

Нэг. Зорилго

1.1. Нийгмийн халамжийн дэмжлэг, туслалцаа шаардлагатай, бага орлоготой ахуйн хэрэглэгчдэд цахилгааны тарифын хөнгөлөлт үзүүлэхтэй холбогдох харилцааг зохицуулахад энэхүү журмын зорилго оршино.

Хоёр. Хамрагдах хүрээ

2.1. Нийгмийн халамжийн дэмжлэг туслалцаа зайлшгүй шаардлагатай доор дурдсан хэрэглэгчид хамрагдаж болно. Үүнд:


2.1.1. “Байнгын асаргаа шаардлагатай ахмад настан” - Тэжээн тэтгэх төрөл садангүй бөгөөд бие даан амьдрах чадваргүй ахмад настан;

2.1.2. “Нэн ядуу хүн” - Тухайн хүнд ногдох орлогын хэмжээ нь амьжиргааны доод түвшингийн 40 хувиас доогуур, тэрхүү орлогынхоо хэмжээгээр хязгаарлагдмал хэрэглээтэй хүн;

2.1.3. “Олон хүүхэдтэй өрх толгойлсон эх/эцэг” - Ядуу, нэн ядуу амьдралтай 4 болон түүнээс дээш хүүхэдтэй өрх толгойлсон эх/эцэг;

2.1.4. “Хөгжлийн бэрхшээлтэй иргэн” – төрөлхийн болон удамшлын эмгэг өөрчлөлт, эсхүл осол, гэмтлийн улмаас сэтгэц, оюун ухаан, мэдрэхүйн чадавхи нь алдагдсан, түүнчлэн бие эрхтэн нь гэмтсэнээс хөдөлмөрлөх, бие даан амьдрах боломж нь хязгаарлагдсан хүн.

2.2. Нийгмийн халамжийн дэмжлэг туслалцаа зайлшгүй шаардлагатай хэрэглэгчдэд хөнгөлөлт үзүүлэх цахилгааны сарын хэрэглээ, тарифыг Эрчим хүчний зохицуулах хорооны тогтоолоор батлан мөрдөнө.



Гурав. Нийгмийн халамжийн дэмжлэг, туслалцаа зайлшгүй шаардлагатай хэрэглэгчдэд цахилгааны тарифыг мөрдөхөд тавигдах нөхцөл

3.1. Хэрэглэсэн цахилгаан эрчим хүчийг тооцох баталгаажсан хэмжих хэрэгсэлтэй байна.

3.2. Цахилгаан түгээх, цахилгаанаар зохицуулалттай хангах тусгай зөвшөөрөл эзэмшигч компанитай "Цахилгаан эрчим хүчээр хангах гэрээ"-г байгуулсан гэрээт хэрэглэгч байна.

3.3. Цахилгаан эрчим хүчний төлбөрийн үлдэгдэлгүй болон авлага хэсэгчлэн барагдуулах гэрээ байгуулсан байна.

Дөрөв. Нийгмийн халамжийн дэмжлэг туслалцаа зайлшгүй шаардлагатай хэрэглэгчдийг тогтоох

4.1. Нийгмийн халамжийн дэмжлэг туслалцаа зайлшгүй шаардлагатай хэрэглэгчдэд мөрдөх цахилгааны тарифт хамрагдахыг хүсэгч нь цахилгаан түгээх, цахилгаанаар зохицуулалттай хангах тусгай зөвшөөрөл эзэмшигч компанийн гэрээт нэгж /Салбар, Хэрэглэгчдэд үйлчлэх төв/-ийн холбогдох ажилтнаар цахилгааны төлбөрийн үлдэгдлийг шүүлгэн өргүй байх эсвэл авлага хэсэгчлэн барагдуулах гэрээ байгуулсан нөхцөлд материалаа бүрдүүлэн хүсэлтээ бичгээр гаргана.

4.2. Нийгмийн халамжийн дэмжлэг туслалцаа зайлшгүй шаардлагатай хэрэглэгчдэд мөрдөх цахилгааны тарифт хамрагдах хэрэглэгч нь дараах материалуудыг бүрдүүлнэ. Үүнд:

а) *Байнгын асаргаа шаардлагатай ахмад настан:*

- Харьяа хорооны тодорхойлолт /Ам бүл, оршин суугаа хаяг/;
- Харьяа өрхийн эмнэлэгийн тодорхойлолт;

б) *Хөгжлийн бэрхшээлтэй иргэн:*


- Харьяа хорооны тодорхойлолт /Ам бүл, оршин суугаа хаяг/
- Тахир дутуугийн үнэмлэхийн хуулбар

в) *Олон хүүхэдтэй өрх толгойлсон эх/эцэг*

- Харьяа хорооны тодорхойлолт /Ам бүл, оршин суугаа хаяг/;
- Хүүхдүүдийн төрсний гэрчилгээ;

г) *Нэн ядуу хүн*

- Харьяа хорооны тодорхойлолт /Ам бүл, оршин суугаа хаяг, өрхийн орлого/;



4.3. Нийгмийн халамжийн дэмжлэг туслалцаа зайлшгүй шаардлагатай хэрэглэгчдэд мөрдөх цахилгааны тарифт хамрагдах хүсэлтийг хүлээн авснаас хойш ажлын 5 хоногийн дотор хамрагдах, эсэх шийдвэрийг тухайн цахилгаан түгээх, цахилгаанаар зохицуулалттай хангах тусгай зөвшөөрөл эзэмшигч компанийн гүйцэтгэх захирлын тушаалаар томилогдсон эрх бүхий албан тушаалтан гаргана.

4.4. Бүрдүүлсэн материалыг архивт хадгална.

4.5. Цагийн ялгавартай тарифт тоолууртай тохиолдолд тарифын хөнгөлөлт эдэлж байгаа тул хөнгөлөлтийг давхар үзүүлэхгүй.

4.6. Хэрэв хэрэглэгч хүсэлт гаргавал цагийн ялгавартай тоолуураар тооцогдсон нийт хэрэглээг эмзэг бүлгийн тарифаар тооцож болно.

Тав. Тарифыг цуцлах нөхцөл

5.1. Цахилгаан эрчим хүчний төлбөрийг 3 сар дараалан төлөөгүй тохиолдолд хөнгөлөлттэй тарифыг зогсооно.

5.2. Цахилгаан эрчим хүчийг зүй бусаар хэрэглэсэн тохиолдолд энэхүү тарифаар үйлчлүүлэх эрх нь хасагдана.

